



UNIVERSITI SULTAN AZLAN SHAH

# BULETIN RNC

**EDISI DISEMBER 2018**

MENERIMA KEHADIRAN TAHUN  
2019

**PAPARAN UTAMA**

KERJASAMA ANTARA USAS DENGAN LPPKN

PERBINCANGAN PENERBITAN USAS DAN USIM

## **INTISARI**

### **SEKAPUR SIRIH**


- 1. MESYUARAT KERJASAMA JABATAN RnC USAS-LPPKN**
- 2. KAJIAN LAPANGAN LPPKN BERSAMA JABATAN RnC DI SELAMA, PERAK**
- 3. MAJLIS MENANDATANGANI MEMORANDUM PERSEFAHAMAN PENYELIDIKAN ANTARA USAS DENGAN MAAHAD TAHFIZ DAN KEMUKJIZATAN AL-QURAN**
- 4. TAKLIMAT PENERBITAN TESIS KEPADA BUKU OLEH MOHD ROZLAN BIN MOHAMED(ITBM)**
- 5. PERBICANGAN USM-USAS KAJIAN DI BETING BERAS BASAH,PERAK**
- 6. PERBINCANGAN PENERBITAN JABATAN RnC USAS DAN USIM**
- 7. MESYUARAT ANTARA JABATAN RnC USAS-NCRC UUM BERTEMPAT DI UUM, KEDAH**
- 8. *ROAD TO PHD: KEMBARA MENUJU ILLAHI* oleh DR. NORFADILAH BINTI ABDUL RAHMAN**
- 9. LAPORAN KEMAJUAN DANA KHAS PENYELIDIKAN USAS(DKPU) TAHUN 2018**



## **MUTIARA KATA**

Pesanan Imam Syafi'i Dalam Memperoleh Ilmu Pengetahuan.

*“Wahai saudaraku... Ilmu tidak akan diperoleh kecuali dengan enam perkara yang akan saya beritahukan perinciannya: (1) kecerdasan, (2) semangat, (3) sungguh-sungguh, (4) bekal (biaya), (5) berdamping (belajar) dengan guru, (6) memerlukan waktu yang lama.”*



## **SEKAPUR SIRIH**

Alhamdulillah bersyukur ke hadrat Allah S.W.T dengan limpah rahmat-nya kita telah diberi kesempatan selama setahun yang lalu melaksanakan tanggungjawab yang telah diamanahkan kepada kita dengan jayanya. Dengan rasa penuh syukur juga saya ingin mengucapkan Selamat Tahun Baharu 2019. Semoga kita semua dikurniai kesejahteraan dan kesihatan yang baik serta dipermudahkan dalam segala urusan pada tahun ini. Insyallah dengan niat yang ikhlas dan hati yang bersih mudah-mudahan kita semua mendapat ilham dan petunjuk yang baik daripada Allah S.W.T dalam setiap usaha kita meneruskan tanggungjawab sebagai khalifah di bumi Allah yang fana ini.

Kita sebagai warga USAS, iaitu sebuah agensi yang berkait langsung dengan sektor pendidikan perlu bersama-sama menanamkan budaya berdikari dan berdaya saing supaya kita menjadi lebih kental, berkebolehan, berani, kreatif dan inovatif. Program seperti DKPU 2018 (Dana Khas Penyelidikan USAS 2018) yang dibangunkan boleh dijadikan pemacu untuk melahirkan generasi pensyarah yang cekal dalam bidang penyelidikan walaupun bilangannya masih sangat kecil.

Dalam era teknologi yang semakin moden ini, ketahanan diri yang mantap perlu dibina. Tanpa pengorbanan dan komitmen yang padu, usaha untuk melahirkan bangsa yang ampuh dan berupaya mendepani cabaran masa depan hanya sia-sia sahaja. Setiap orang daripada kita bertanggungjawab bukan sahaja menjaga tradisi dan kemudahan yang ada tetapi terus menambah nilai supaya menjadi lebih bermutu untuk generasi masa kini dan generasi akan datang.

**Prof. Madya Dr. Jamalludin Helmi Bin Hashim,  
Ketua Jabatan Penyelidikan dan Perundingan,  
Universiti Sultan Azlan Shah**

## 1. MESYUARAT KERJASAMA JABATAN RnC USAS-LPPKN

TARIKH: 11 OKTOBER 2018

MASA: 10 PAGI

TEMPAT: BILIK MESYUARAT  
PERPUSTAKAAN

Satu mesyuarat telah diadakan bagi menjalinkan hubungan antara pihak USAS dengan pihak LPPKN(Lembaga Pembangunan dan Penduduk Keluarga Negara) untuk menjalinkan sebuah kerjasama berbentuk kajian di Selama, Perak. Kajian ini adalah merupakan kerjasama kali pertama antara pihak Jabatan Penyelidikan dan Perundingan, USAS dengan pihak LPPKN(Lembaga Pembangunan dan Penduduk Keluarga Negara). Perbincangan yang diadakan pada tarikh tersebut membincangkan tentang tugas yang akan dilakukan oleh pihak Jabatan Penyelidikan dan Perundingan sebagai wakil pihak LPPKN semasa kajian tersebut dijalankan di Selama,Perak.



Perbincangan tersebut  
dipengurusikan oleh Prof. Madya Dr.

Jamalludin Helmi Bin Hashim sebagai Ketua Jabatan Penyelidikan dan Perundingan. Dalam ucapan beliau berharap agar pada masa hadapan akan ada lagi jalinan kerjasama seperti ini lagi anatar Pihak Jabatan Penyelidikan dan Perundingan,USAS dan Pihak LPPKN.

Dalam pada mesyuarat itu juga, penyerahan LO kepada Ketua Jabatan Penyelidikan dan Perundingan juga dibuat. Kajian ini akan tertumpu di Kampung Damak, Sg. Bayor, Selama, Perak



## 2. KAJIAN LAPANGAN LPPKN BERSAMA JABATAN RnC DI SELAMA, PERAK

TARIKH: 12 OKTOBER 2018

MASA: 11.00 PAGI

TEMPAT: SELAMA, PERAK

Dengan sukacitanya dimaklumkan bahawa Jabatan Penyelidikan dan Perundingan Universiti Sultan Azlan Shah (USAS) Bukit Chandan Kuala Kangsar Perak telah menjalankan sebuah kajian kerjasama bersama pihak LPPKN (Lembaga Pembangunan dan Penduduk Keluarga Negara) di Selama Perak. Kajian ini bertujuan mencari maklumat bagi pihak LPPKN, dan melibatkan 21 orang sebagai “data Collector” yang terdiri daripada 7 orang pensyrah dan 14 orang pelajar.

Turut terlibat sama ialah ‘person in charge’ iaitu Encik Muhamad Fitri Hilaludin daripada Jabatan Penyelidikan dan Perundingan.



Pejabat Penghulu Mukim Ulu Selama telah dijadikan sebagai markas bagi kajian yang

dijalankan dari hari tersebut. Kajian ini bermula pada pagi 12 Oktober 2018 (Jumaat) sehingga 14 Oktober 2018 (Ahad).

Dalam kajian ini beberapa kumpulan telah dibahagikan kepada empat kumpulan mengikut pecahan kawasan yang terlibat yang ditetapkan oleh Ketua Kampung disitu, Encik Taufik. Kajian ini dipecahkan kepada dua fasa iaitu pada Fasa pertama pada 12 Oktober 2018 (Jumaat) dan Fasa kedua adalah pada 17 Oktober 2018 (Rabu) bagi mencukupkan bilangan responden seperti yang diminta.



Pihak Jabatan Penyelidikan dan Perundingan mengucapkan ribuan terima kasih kepada semua pihak yang terlibat dan juga membantu menjayakan kajian lapangan ini dengan jayanya. Pihak Jabatan Penyelidikan dan perundingan juga berharap agar program seperti ini akan dapat diadakan sekali lagi dengan pihak LPPKN atau dengan mana-mana pihak sekalipun.

### **3. MAJLIS MENANDATANGANI MEMORANDUM PERSEFAHAMAN PENYELIDIKAN ANTARA USAS DENGAN MAAHAD TAHFIZ DAN KEMUKJIZATAN AL-QURAN**

TARIKH: 17 OKTOBER 2018

MASA: 3.00 PETANG

TEMPAT: BILIK MESYUARAT ARAS 1, USAS

Jabatan Penyelidikan dan Perundingan, Universiti Sultan Azlan Shah serta wakil dari Maahad Tahfiz dan Kemukjizatan Al-Quran telah mengadakan satu Majlis Menandatangani Persafahaman antara USAS dengan Maahad Tahfiz dan Kemukjizatan Al-Quran. Majlis ini dipengerusi oleh Prof. Madya Dr Jamalludin Helmi Bin Hashim. Majlis ini dihadiri oleh Dr. Faizal bin Abdul Khir, Dr. Allaa Eddin Ismaail Mohamad, Encik Syed Hasni Syed Abu Hassan, Mohd Amirrul Bin Mohd Rosli dari pihak USAS dan dari Maahad Tahfiz dan Kemukjizatan Al-Quran Ustaz sulaiman Bin Yusof dan juga disertai Puan Nuuro Farhana Binti Mohd Zaki.

Majlis ini bagi memberi laluan kepada Dr. Faizal bin Abdul Khir membuat kajian bagi tajuk '*Ajaib AL-makluqat Wa Ghara'ib Al-Maujudat* Bagi Al-Quzwini: Analisis Perseptif Quran'. Kajian ini ialah sebahagian daripada kajian berbentuk analisis komparatif dengan menilai dan mensinergikan dapatan para ahli sains dan fakta Al-Quran Al-Karim.

Kajian ini akan memberi tumpuan kepada kitab '*Ajaib Al-Makhluqat wa Ghar'ib Al- Mawjudat* yang merupakan

salah satu buku yang dikarang dalam bahasa arab oleh Zakariya al- Qazwani dan seterusnya membandingkan dan memperkayakannya dengan Quran Al-Karim. Dapatan kajian ini adalah terjemahan sebuah kitab berkaitan sains kepada bahasa Melayu yang diperkayakan dengan nilai-nilai Qurani. Ianya akan menjadi sebahagian daripada khazanah bangsa yang akan terus diguna pakai dan diberikan penambahan sewajarnya sepanjang zaman. Ucapan Tahniah ditujukan kepada Dr. Faizal bin Abdul Khir atas usaha beliau untuk menghasilkan kerjsama ini.



#### **4. TAKLIMAT PENERBITAN TESIS KEPADA BUKU OLEH MOHD ROZLAN BIN MOHAMED(ITBM)**

TARIKH: 14 NOVEMBER 2018

MASA: 10.00 PAGI-

TEMPAT: BILIK MESYUARAT ARAS 1,  
USAS

Jabatan Penyelidikan dan Perundingan, Universiti Sultan Azlan Shah, telah menganjurkan taklimat berkenaan dengan penerbitan tesis kepada buku oleh Mohd Rozlan Bin Mohamed. Seramai 20 orang peserta dari luar dan dalam kampus USAS telah menyertai taklimat ini. Taklimat ini bertujuan membuka lembaran baharu kepada para peserta yang sudah mempunyai dan sedang menghasilkan tesis menukarkannya kepada buku. Taklimat ini diselenggarakan oleh Encik Mohd Rozlan Bin Mohamed dari Institut Terjemahan dan Buku Malaysia(ITBM). Taklimat ini diadakan di Bilik Audio Visual, Perpustakaan, USAS

Taklimat ini telah menarik minat dari peserta luar terutama pelajar pascasiswazah yang sedang menyiapkan tesis mereka. Taklimat jugabertujuan memberi penerangan tentang cara untuk menghasilkan karya-karya untuk dibukukan serta tentang kaedah menerbitkan buku. Taklimat ini juga memberi penerangan tentang cara untuk mendaftarkan dan menerbitkan buku di bawah terbitan Institut Terjemahan dan Buku Malaysia (ITBM).



## **5. PERBINCANGAN USM-USAS TENTANG KAJIAN BETING BERAS BASAH, PERAK**

TARIKH: 18 SEPTEMBER 2018

MASA: 3.00 PETANG

TEMPAT: BILIK MESYUARAT, USM

Perbincangan ini dibuat bagi memberi maklum balas lawatan prapenyelidikan di Beting Beras Basah, Bagan Datuk Perak pada 18 September 2018. Rombongan penyelidik USAS terdiri daripada Prof. Madya Suhaimi Bin Saidin, Encik Oummar Nor Aman Bin Othman dan Encik Mohd Amirul Bin Mohd Rosli.

Hasil lawatan tapak pada 18 September 2018, penyelidik USM menyatakan bahawa tiada kesan tapak istana berdasarkan pemerhatian. Penyelidik USM bercadang supaya satu kajian sejarah sosio budaya atau warisan di Bagan Datuk kerana terdapat catatan terdahulu daripada penulis Belanda tentang laluan pedagang di Beting Beras Basah. Di samping itu, Sultan Idris I aktif menulis kajian tentang Perak dan Beting Beras Basah. Kajian ini akan mengangkat kembali sejarah lama Beting Beras Basah dan Bagan Datuk.



Pihak USM memohon sedikit masa untuk mencari rujukan dan catatan lama tentang sejarah Beting Beras Basah dan Bagan Datuk supaya dijadikan metodologi kajian. Kaedah Sosiobudaya/Warisan iaitu sesi temu bual dengan penduduk Bagan Datuk dan mengumpul semua maklumat. Maklumat tersebut akan dianalisis dengan merujuk sumber bertulis yang sedia ada sama ada dalam dan luar negara.

Hasil kajian yang akan dijalankan memberi impak antaranya menerbitkan koleksi buku bergambar sejarah Beting Beras Basah dan Bagan Datuk, menghasilkan dokumen baharu sejarah Beting Beras Basah dan penerbitan jurnal. Kajian ini boleh dijadikan tesis Phd bagi penyelidik USAS dalam bidang sejarah. Penyelidik USM akan membentangkan kertas kerja cadangan dalam pertemuan yang akan datang. Perbincangan akan diadakan di USAS atau Pejabat Istana Iskandariah.



## **6. PERBINCANGAN PENERBITAN JABATAN RnC, USAS DAN USIM PRESS**

TARIKH: 22 NOVEMBER 2018

MASA: 3.00 PETANG

TEMPAT: BILIK MESYUARAT, USIM

Jabatan Penyelidikan dan Perundingan, Universiti Sultan Azlan Shah, telah membuat kunjungan ke Universiti Sains Islam Malaysia (USIM). Lawatan seramai 3 wakil dari USAS diketuai oleh Prof. Madya Dr. Jamalludin Helmi Hashim, Ketua Jabatan Penyelidikan dan Perundingan dan disertai oleh Encik Syed Hasni Syed Abu Hassan dan Mohd Amirrul Bin Mohd Rosli. Tujuan lawatan ini adalah untuk mengadakan perbincangan strategik dari segi bidang penerbitan. Ini kerana pihak USIM PRESS sudah mempunyai kepakaran dan pengalaman dalam bidang penerbitan. Oleh itu lawatan ini bertujuan mendapat nasihat dan juga rujukan dari pihak USIM.

Perbincangan ini dipengerusikan oleh Puan Hariza Mohd Yusof, Ketua bahagian Penerbitan USIM. Perbincangan diharap dapat membuka ruang untuk meningkatkan taraf USAS setandin dengan Universiti yang lain yang mampu mengeluarkan bahan bacaan ilmiah dan juga artikel daripada kalangan pensyarah sendiri. Dengan ini para pensyarah dapat menggetengahkan idea dan juga pemikiran dan dapat menjana

pendapatan melalui penerbitan buku luar dan dalaman USAS.

Artikel atau jurnal bagi Universiti Sultan Azlan Shah yang telah dibuat akan diterbitkan dalam bentuk buku. Pembukuan berdasarkan bilangan artikel dan jurnal yang diterbitkan ke dalam bentuk buku yang mempunyai faktor impak yang mana diharap akan akan meningkat dari tahun ke tahun dari tahun.



## **7.MESYUARAT ANTARA JABATAN RnC USAS-NCRC BERTEMPAT DI UUM, KEDAH**

TARIKH: 10 DISEMBER 2018

MASA: 11.00 PAGI

TEMPAT: BILIK MESYUARAT, UUM

Pada 10 Disember 2018 (Isnin), Jabatan Penyelidikan dan Perundingan, Universiti Sultan Azlan Shah(USAS) bersama Universiti Utara Malaysia (UUM), telah mengadakan perjumpaan bagi membincangkan mengenai memorandum kerjasama antara pihak USAS dengan UUM. Mesyuarat tersebut membincangkan beberapa perkara dalam Memorandum Persefahaman USAS dan UUM.

Mesyuarat tersebut telah dipengerusikan oleh Prof. Dr. Rohana Yusof. Pegawai dari Jabatan Penyelidikan dan Perundingan ialah Prof. Madya Dr. Jamalludin Helmi Bin Hashim, Encik Syed Hasni Syed Abu Hassan dan juga Encik Mohd Amirrul Bin Mohd Rosli. Perkara yang dibincangkan adalah berkenaan dengan kerjasama penyelidikan.

Pihak USAS dan UUM berhasrat untuk memasuki MoU ini untuk menyatakan niat mereka dan mewujudkan asas kerjasama dan usaha sama antara Pihak-Pihak berdasarkan terma-terma yang terkandung dalam perjanjian antara dua buah universiti. Dalam perjanjian tersebut setiap pihak harus berusaha untuk mengambil langkah-langkah yang perlu untuk menggalakkan dan mempromosi kerjasama dalam bidang-bidang yang seperti berikut:

- a) Pertukaran kakitangan;
- b) Pertukaran pelajar;

- c) Kerjasama penyelidikan dengan geran sepadan;
- d) Kerjasama projek pendidikan bersama;
- e) Pelaksanaan aktiviti pembangunan pelajar bersama;
- f) Pertukaran penerbitan akademik dan bahan pendidikan; dan
- g) Mengadakan apa-apa bidang kerjasama lain sebagaimana yang dipersetujui oleh Pihak-pihak dari semasa ke semasa.



## **8. ROAD TO PHD: KEMBARA MENUJU ILLAHI** **oleh DR. NORFADILAH BINTI ABDUL RAHMAN**

TARIKH: 19 DISEMBER 2018

MASA: 1.00PM – 2.30PM

TEMPAT: BILIK AUDIO VISUAL,  
PERPUSTAKAAN, UNIVERSITI  
SULTAN AZLAN SHAH

Dengan sukacitanya dimaklumkan bahawa Jabatan Penyelidikan dan Perundingan Universiti Sultan Azlan Shah (USAS) Bukit Chandan Kuala Kangsar Perak telah mengadakan ceramah di Bilik Audio Visual, Perpustakaan pada 19 Disember 2018. Ceramah berkenaan Di sampaikan oleh Dr. Norfadilah Binti Abdul Rahman Ceramah ini bertujuan untuk memberi gambaran dan juga minat kepada para pensyarah yang masih belum dan ingin melanjutkan pelajaran ke PHD. Cermah yang diadakan ini bertujuan juga memberi kesempatan kepada Dr. Norfadilah Binti Abdul Rahman berkongsi pengalamanya ketika menghasilkan tesisnya semasa beliau sedang membuat PHDnya. Ceramah ROAD TO PHD: KEMBARA MENUJU ILLAHI bertujuan untuk memberi gambaran sebenar kepada para peserta yang hadir ke ceramah tersebut tentang kesusahan dan kepayahan ketika beliau menghabiskan PHD beliau selama 7 tahun. Diharap agar

perkongsian daripada Dr. Norfadilah Binti Abdul Rahman dapat memberi motivasi dan juga bimbingan kepada para pensyarah yang ingin mengikuti jejak beliau.



## **9. LAPORAN KEMAJUAN DANA KHAS PENYELIDIKAN USAS (DKPU) TAHUN 2018**

### **1. PENDAHULUAN**

1.1 Laporan ini disediakan bagi tujuan melaporkan perkembangan dan kemajuan DKPU sepanjang tahun 2018.

### **2. LATAR BELAKANG**

2.1 DKPU merupakan cadangan daripada Naib Canselor USAS, Tan Sri Prof. Dr. Nordin Bin Kardi yang mahu semua pensyarah terlibat dalam bidang penyelidikan.

2.2 Bagi mencapai matlamat tersebut, geran penyelidikan jangka pendek bernilai RM 2,000.00 akan diberi kepada setiap pensyarah USAS yang bertaraf tetap dan kontrak. Kakitangan akademik yang berstatus sambilan, perlu dilihat tempoh kontrak sebelum layak diberikan geran.

2.3 Geran jangka pendek ini lebih dikenali sebagai Dana Khas Penyelidikan USAS atau DKPU.

2.4 DKPU menggunakan bajet penyelidikan USAS yang diperuntukan sebanyak RM 750,000.00 setiap tahun.

2.5 Laporan ini akan memberi maklumat program DKPU sepanjang tahun 2018 serta cadangan penambahbaikan.

### **3. OBJEKTIF**

3.1 Melaporkan perkembangan, hasil dan usaha kakitangan Jabatan Penyelidikan dan Perundingan yang melibatkan DKPU tahun 2018.

3.2 Hasil pencapaian DKPU dalam kalangan pensyarah pada tahun 2018

#### 4. SENARAI AHLI JAWATANKUASA DKPU 2018

4.1 Senarai AJK DKPU 2018 seperti yang berikut.

| BIL | JAWATAN        | NAMA                                                                                           |
|-----|----------------|------------------------------------------------------------------------------------------------|
| 1.  | Pengerusi      | Prof. Madya Dr. Jamalludin Helmi Bin Hashim                                                    |
| 2.  | Setiausaha     | Tuan Syed Hasni Bin Syed Abu Hassan Basri                                                      |
| 3.  | AJK Wakil FTPM | Dr. Kamaruddin Bin Yaakob, AMP                                                                 |
| 4.  | AJK Wakil FPI  | Dr. Mariani Binti Omar                                                                         |
| 5.  | AJK Wakil FPI  | Dr. Siti Nur Izyandiyana Binti Ab. Hadi                                                        |
| 6.  | AJK Wakil FTPM | Puan Nor Hafizah Binti Hasan                                                                   |
| 7.  | AJK Wakil PBPA | Puan Nur Hazwani Binti Yussof (Tarik diri kerana menjadi Ketua Jabatan Bahasa Inggeris Celfos) |
| 8.  | AJK Wakil PBPA | Encik Zakhwan Aunie Al-Haffizz                                                                 |
| 9.  | AJK Wakil PBPA | Puan Rahimah Binti Abd Rahman                                                                  |
| 10. | AJK            | Puan Hazwani Binti Abdul Wahab                                                                 |
| 11. | AJK            | Puan Nur Sophia binti Rusli                                                                    |
| 12. | AJK Kewangan   | Puan Roziana Binti Rozlan                                                                      |
| 13. | AJK            | Mohd Amirul Bin Mohd Rosli                                                                     |
| 14. | AJK            | Muhammad Fitri Bin Hilaluddin                                                                  |

4.2 Lantikan dibuat selama setahun bermula 1 Mei 2018 hingga 30 April 2019.

## 5. PERMOHONAN GERAN DKPU

5.1 Sehingga akhir tahun 2018 bilangan pemohon DKPU:

| BIL | FAKULTI | BIL<br>PENSYARAH | JUMLAH<br>BORANG | PERATUSAN |
|-----|---------|------------------|------------------|-----------|
| 1   | FPI     | 70               | 38               | 55%       |
| 2   | FPTM    | 46               | 11               | 21.73%    |
| 3   | CELFOF  | 43               | 22               | 52%       |
|     | JUMLAH  | 159              | 71               | 50%       |

5.2.1 Bayaran akan dilaksanakan selepas laporan penuh penyelidikan. Ini memudahkan urusan tanpa melibatkan dokumen yang banyak, memastikan kawalan kewangan yang baik dan laporan akhir dapat diperolehi.

5.3 Laporan penuh penyelidikan yang telah dihantar:

| BIL | FAKULTI | PERMOHONAN<br>LULUS | LAPORAN<br>LENGKAP | PERATUSAN |
|-----|---------|---------------------|--------------------|-----------|
| 1   | FPI     | 38                  | 3                  | 8%        |
| 2   | FPTM    | 11                  | 3                  | 27%       |
| 3   | CELFOF  | 22                  | 14                 | 63%       |
|     | JUM     | 71                  | 20                 | 28 %      |

5.3.1 Daripada 71 permohonan yang diluluskan, 20 laporan penyelidikan berjaya diterima. Jabatan sedang berusaha mendapatkan laporan akhir daripada pensyarah.

5.3.2 Cadangan agar pensyarah yang tidak menghantar laporan akhir, tidak akan dipertimbangkan untuk permohonan DKPU untuk tahun seterusnya.

## 6. PENERANGAN /KURSUS / BENGKEL / SEMINAR

6.1 Sehingga kini terdapat tiga siri penerangan telah diadakan seperti yang berikut:

|   | <b>TARIKH</b> | <b>FAKULT I</b> | <b>PENSYARAH</b> | <b>HADIR</b> | <b>PERATUS</b> |
|---|---------------|-----------------|------------------|--------------|----------------|
| 1 | 23 Mei 2018   | FPI             | 74               | 39           | 52%            |
| 2 | 31 Mei 2018   | FPTM            | 46               | 20           | 43%            |
| 3 | 24 Mei 2018   | PB/PA           | 44               | 40           | 90%            |
|   |               | <b>JUM</b>      | <b>164</b>       | <b>119</b>   | <b>72%</b>     |

6.2 Siri taklimat berkaitan dengan penyelidikan, khidmat nasihat kewangan dan bimbingan dilaksanakan seperti yang berikut:

|    | <b>TARIKH</b> | <b>PERKARA</b>                                          | <b>HADIR</b> |
|----|---------------|---------------------------------------------------------|--------------|
| 1. | 04.07.2018    | Klinik Proposal 1                                       | 20           |
| 2. | 11.07.2018    | Klinik Proposal 2                                       | 10           |
| 3. | 24.07.2018    | Mesyuarat Penilaian Khas DKPU CELFOS                    | 10           |
| 4. | 01.08.2018    | Klinik Proposal 3: Dr. Mariani binti Omar               | 7            |
| 5. | 17.08.2018    | Road To Phd : Dr. Mariani binti Omar                    | 25           |
| 6. | 29.08.2018    | Taklimat Kewangan DKPU oleh Encik Shahril Bin Mohd Sani | 20           |

|    |            |                                                                                                          |    |
|----|------------|----------------------------------------------------------------------------------------------------------|----|
| 7. | 23.09.2018 | Lawatan ke NCRC UUM dengan membawa 15 orang pensyarah ke UUM bagi merasai pengalaman penyelidikan di UUM | 15 |
| 8. | 10.10.2018 | Kerjasama penyelidikan LPPKN                                                                             | 10 |

6.2.1 Cadangan agar program, bengkel dan taklimat diteruskan pada tahun hadapan untuk menggalakkan pensyarah terlibat dalam bidang penyelidikan.

5.2.2 Cadangan untuk melibatkan pensyarah pakar dari universiti dalam Malaysia untuk membimbing dan berkongsi pengalaman.

## 7 BORANG SOAL SELIDIK

7.1 Borang soal selidik yang bertujuan membantu pensyarah telah diedarkan secara manual semasa taklimat :

| BIL | FAKULTI    | PENSYARAH  | BORANG SOAL SELIDIK MANUAL DIISI | PERATUS    |
|-----|------------|------------|----------------------------------|------------|
| 1.  | FPI        | 74         | 24                               | 35%        |
| 2.  | FPTM       | 46         | 22                               | 47%        |
| 3.  | PB/PA      | 44         | 24                               | 54%        |
|     | <b>JUM</b> | <b>164</b> | <b>69</b>                        | <b>43%</b> |

7.2 Semua borang soal selidik telah diisi ke dalam web secara manual. Melalui borang soal selidik, Jabatan Penyelidikan dan Perundingan dapat mengenal pasti keperluan pensyarah untuk menjalankan penyelidikan. Beberapa siri bimbingan telah diatur seperti perkara 5.2.

## 8 BORANG AKUJANJI

8.1 Borang aku janji disertakan sebagai komitmen pensyarah untuk terlibat dalam penyelidikan dan mengelak masalah yang melibatkan kewangan terutama peruntukan daripada USAS.

## 9 KEMAJUAN DAN CADANGAN PENAMBAHBAIKAN

9.1 SOP (Manual Prosedur Standart) DKPU telah berjaya dibawa ke peringkat Jabatan Pengurusan Kualiti USAS untuk diluluskan dan dilaksanakan. SOP DKPU menggunakan SOP Dana Penyelidikan USAS yang telah ditambah baik dan sesuai dilaksanakan bagi geran jangka pendek.

9.2 Jabatan bercadang meneliti setiap kertas kerja penyelidikan yang lengkap untuk diterbitkan dalam jurnal. Bagi membolehkan proses berjalan dengan lancar, bengkel penulisan jurnal dan penerbitan dicadang dilaksanakan.

9.3 Pada tahun 2018, hanya 70 daripada 145 orang pensyarah yang layak memohon DKPU dengan peratusan 49%. Pada tahun 2019, sesi penerangan dan promosi oleh jabatan kepada pensyarah akan dilaksanakan.

9.4 Sehingga hari ini 14 Disember 2018, 20 laporan lengkap telah diterima. Jabatan mencadangkan bahawa tempoh laporan lengkap diberi sehingga awal tahun bulan Januari 2019 dan pembayaran token akan dibuat selepas laporan. Pensyarah yang belum siap mengemukakan laporan, tidak boleh memohon geran baru.

9.5 Isu borang permohonan dan sebagainya yang tidak lengkap dan tidak ditandatangani masih kerap berlaku. Ini menyukarkan jabatan memproses borang sehingga berlaku kelewatan.

9.6 Terdapat cadangan agar kakitangan pentadbiran yang berminat diberi untuk memohon DKPU. Cadangan ini perlu dipertimbangkan kerana ramai kakitangan pentadbiran yang mempunyai sarjana. Bagi merealisasikan hasrat ini, jabatan akan mengemukakan kertas cadangan untuk kelulusan pengurusan tertinggi. Beberapa prosedur ditambah baik untuk membolehkan pelaksanaan kerana penyelidikan memerlukan pakar bidang untuk menilai kertas cadangan. Secara tidak langsung jika ianya dilaksanakan, USAS memperoleh manfaat seperti mata dalam Myra, selain bilangan penerbitan dan jurnal akan bertambah.

## 10 PENUTUP

10.1 DKPU memberi kesan dalam perubahan minat pensyarah kepada dunia penyelidikan

## *DIREKTORI KAKITANGAN*

PROF. MADYA DR. JAMALLUDIN HELMI HASHIM

JAWATAN : KETUA JABATAN, PENYELIDIKAN DAN PERUNDINGAN

Email : [jamalludin.helmi@usas.edu.my](mailto:jamalludin.helmi@usas.edu.my)



SYED HASNI SYED ABU HASSAN BASRI

JAWATAN: PENGURUS

Email : [hasni@usas.edu.my](mailto:hasni@usas.edu.my)



MUHAMMAD FITRI HILALUDDIN

JAWATAN: UNIT PENTADBIRAN & KEWANGAN


Email : [fitri@usas.edu.my](mailto:fitri@usas.edu.my)



MOHD AMIRRUL MOHD ROSLI

JAWATAN : UNIT PENYELIDIKAN & PERUNDINGAN

Email : [amirrul@usas.edu.my](mailto:amirrul@usas.edu.my)



EDITOR JURUBAHASA

USTAZ AZMI BIN AHMAD

PENSYARAH PUSAT BAHASA DAN PENGAJIAN ASASI

TELEFON: 05-7732611

Website : <http://rnc.usas.edu.my>

